



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Ref.: 121/23 Datë: 15/09/2023

Në mbështetje të nenit 8 dhe 12 të Ligjit për Organizimin dhe Funksonimin e Administratën Shtetërore dhe të Agjencive të Pavarura të Republikës së Kosovës Nr.06/L-113 (GZ, Nr.07/01 mars 2019), Ligjit për Procedurën e Përgjithshëm Administrative Nr. 05/L-031 (GZ, Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (GZ, Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), dhe Manualit për Akreditimin e Institucioneve të Arsimit të Lartë, (përditësuar me vendimin Ref.932/22), Këshilli Shtetëror i Cilësisë (tutje KShC), në mbledhjen e 115-të, të mbajtur me datë 25.08.2023, mori:

V E N D I M

- I. Refuzohet kërkesa e Kolegjit Riinvest me Nr.Prot.554/23 e datës 26.04.2023 për shqyrtim të listës së bartësve të rinj për programin:
 - *Shkenca Kompjuterike dhe Menaxhment BSc. 180 ECTS.*
- II. Ky vendim hyn në fuqi me nënshkrimin e tij.

A R S Y E T I M

- III. Kolegji Riinvest (Zyra e Cilësisë) ka parashtruar kërkesë në Agjencinë e Kosovës për Akreditim me Nr.Prot.554/23 e datës 26.04.2023 për shqyrtim të listës së bartësve të rinj për programin:
 - *Shkenca Kompjuterike dhe Menaxhment BSc.*

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), në paragrafin 1.2 të nenit 10 të UA, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-se".

Të dhënat sipas kërkesës së Kolegji Riinvest janë prezantuar në mbledhjen e KShC-së të mbajtur me 25.08.2023 dhe pas shqyrtimit të detajuar të aplikacionit/kërkesës, verifikimit të dokumentacionit relevant të kualifikimit për secilin staf akademik të programit të studimit, KShC mori vendim që të refuzoj kërkesën.

Pas verifikimit të dokumentacionit për stafin akademik, KShC ka vërtetuar se asnjëri nga bartësit e propozuar në kërkesë nuk kishte titull akademik (thirrje akademike) ashtu siç kërkohet sipas paragrafit 5, nënparagrafi 5.1 dhe 5.2 të Manualit të akreditimi, që bartësit e programeve që hyjnë në proces të akreditimit, riakreditimit ose validimit në nivelin BA/BSc duhet të kenë të paktën thirrjen akademike Prof. Ass. dhe të paktën 1 (një) publikim shkencor të indeksuar nga fusha e studimit/programit, ndërsa në nivelin

MA/MSc duhet të kenë të paktën thirrjen akademike Prof. Ass. dhe 2 (dy) punime në revista shkencore të indeksuara nga fusha e studimit/programit, si autor i parë apo korrespondent, sipas nenit 3, pika 1.1 WEB OF SCIENCES koleksioni bërthame (SCIE, SSCI dhe AHCI) apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHTI.

Bazuar në faktet e prezantuara, dispozitat ligjore të sqaruara më lartë (Nenin 26, pika 5.3.4 dhe 5.3.5 të UA për Akreditim dhe Manualit të akreditimi (përditësuar me vendimin Ref.932/22), KShC në mungesë të stafit akademik adekuat të fushës, të deklaruar në E – Akreditimit, vendosi që të refuzoj kërkesën Kolegji Riinvest për akreditim të këtij programi.



KSHC pas shqyrtimit dhe analizimit të fakteve të prezantuara me sipër, verifikimit të dokumentacionit për stafin akademik, duke u bazuar në paragrafin 1, nënparagrafi 1.1.4, paragrafin 1.2 dhe 1.3, nënparagrafi 1.3.2 të nenit 10 të UA për akreditim, vendosi të refuzohet kërkesa e Kolegjit Riinvest për akreditimin e programit *Shkenca Kompjuterike dhe Menaxhment BSc*, pasi që programet e studimit përkatësisht bartësit e programeve nuk i plotësojnë kriteret e përcaktuara për akreditim/riakreditim të përcaktuara me Ligjin për Arsimin e lartë, Udhëzimin Administrativ për Akreditimin e Institucioneve të Arsimit të Lartë dhe Manualit të akreditimit, (përditësuar me vendimin Ref.932/22).

Andaj KShC në përputhje me legjislacionin në fuqi, faktet e prezantuara dhe kompetencat ligjore, vendosi si në dispozitiv të këtij vendimi.

Këshillë Juridike: Kundër këtij vendimi pala e pakënaqur mund të paraqet ankesë në organin kompetent në afatin prej 30 ditësh nga dita kur pala është njoftuar për aktin administrativ.

Vendimi iu dërgohet:

- Kolegjit Riinvest;
- MASHTI;
- Arkivit të AKA-së.



Prof. Asoc. Dr. Hasnula Haxhiu
Kryetare e Këshillit Shtetëror të Cilësisë